


清會典 一百八之十

禮部五十二卷



漢書
九〇八號

漢書門類
九〇八號
函二
架一
册六

內閣文庫
漢書
九〇八號
函二
架一
册六

內閣文庫	
番號	漢 908
冊數	160 (70)
函號	295 10



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



大清會典卷之一百八

禮部精膳司



筵宴二

外藩禮宴

凡朝貢。崇德元年。喀爾喀來朝。五日。筵宴一次。設宴四十席。諸王府俱設宴。○三年。喀爾喀厄魯特台吉等慶賀來朝。

御賜恩宴一次。按旗筵宴七次。○又外藩蒙古王。貝勒。貝子。公。台吉等朝賀元日。除元日。日大宴外。

御賜恩宴一次。王。貝勒。貝子。入八分公。共設宴五次。○七年。喀爾喀厄魯特來進年貢。



大清會典 卷一百八 禮部五十二

御賜恩宴二次。按旗筵宴七次。○順治十一年。題准。喀爾喀厄魯特。進年貢來京頭目。朝見後。

賜恩宴一次。遣內大臣陪宴。在禮部筵宴二次。本部堂官陪宴。俱朝服。著爲例。○又定。科爾沁王。貝勒。貝子。公。台吉等。以事來京。不必候

陛殿日。卽進

內朝見。仍在禮部照常筵宴。蒙古王。貝勒。貝子。公。台吉。都統等。以事來京。候常朝

陛殿日。隨班行禮。在

內筵宴一次。○康熙十五年。題准。鄂羅斯差來頭目喇嘛等。

賜恩宴一次。在禮部筵宴二次。○二十一年。定。外藩王以下。台吉他布囊都統以上。朝賀來京。歲暮。賜恩宴一次。元日後。五旗王筵宴五次。回日。

賜恩宴二次。○三十九年。喀爾喀鄂齊賴土謝圖汗和碩親王額駙敦多布多爾機進年貢。照例

御賜恩宴一次。再筵宴二次。

凡送親。崇德三年。定。外藩王。貝勒。貝子。公。等送女與內王以下。公以上。爲婚。前一夕。內王以下。

公以上。自備筵宴。到日。由禮部備辦筵宴。回日。筵宴同。○順治八年。題准。凡外藩送親與內親王者。前一夕。內親王府自備牲酒。親王親迎。至宿次。幼輩郡王。貝勒。各一人。貝子二人。內大臣二人。禮部堂官。俱蟒服。同往筵宴。如遣屬官往迎。部員同往筵宴。到日。由禮部備辦牲酒。親王及郡王以下各官筵宴。郡王妃。貝勒。貝子。夫人。禮服出迎。筵宴。如仍遣屬官迎接。部員同迎接筵宴。凡送親與內郡王者。如郡王親迎。幼輩貝勒一人。貝子一人。公二人。同往。其餘迎接筵宴。

與親王同。凡送親與內貝勒者。如貝勒親迎。幼輩貝子一人。公二人。同往。其餘親迎筵宴。與郡王同。凡送親與內貝子。公者。如貝子。公親迎。幼輩公二人同往。其餘迎接筵宴。與貝勒同。以上凡大臣應否遣迎。請

旨定奪。到後

賜恩宴一次。在禮部筵宴二次。回日。筵宴同。

凡迎送。崇德三年。定。

皇后父母來覲。由禮部備辦牲酒。迎接筵宴。到日。內親王。郡王。貝勒。等各筵宴一次。同時。餞送筵宴

同。固倫公主初嫁。及歸省。迎送筵宴並同。○順治二年定。

皇后父母來覲。由禮部備辦牲酒。親王。郡王。各一人。貝子二人。內大臣二人。俱蟒服。迎至宿次。筵宴。到日。由禮部備辦牲酒。親王以下。尚書以上。俱蟒服。親王妃。郡王妃。具禮服。往迎。筵宴。同日同。每宿次。備羊一隻。固倫公主。科爾沁土謝圖親王。卓禮克圖親王。達爾漢親王。俄齊爾貝勒等來京。禮部官迎至邊口。進山海關。備牛九隻。進喜峰口。備牛七隻。進古北口。備牛六隻。每宿次。

備牛一隻。禮部官蓋涼棚於京城門外。光祿寺官備茶。內親王以下。內大臣。副都統。阿思哈尼哈番以上。俱蟒服。迎接。

賜茶時。王等行一跪三叩頭禮。茶畢。謝。

恩。行一跪三叩頭禮。公主進城。王等各官隨進。各退。○康熙十年。題准。固倫公主。科爾沁土謝圖親王等來京。及回日。內親王以下。內大臣。侍衛。民公。侯。伯。一品官以上。俱往迎送。○十二年。定。和碩公主來京。禮部官迎至邊口。備牛三隻。到日。蓋涼棚於京城門外。光祿寺備茶。貝勒以下。鎮

國將軍內大臣侍衛民公一品官以上俱蟒服。與禮部理藩院堂官前往迎候。其餘外藩國王來京。俱蓋涼棚於京城門外。光祿寺備茶。或禮部堂官或理藩院堂官。迎接待茶。同日同。

朝貢諸國禮宴

崇德元年。定朝鮮國遣使慶賀。

萬壽元日。冬至節進貢。及有事啟奏。至。

東京筵宴一次。至

盛京朝

見畢。在禮部筵宴一次。在館筵宴一次。回至

東京筵宴一次。○二年。朝鮮國王世子及次子來

朝。遣大臣往迎。筵宴一次。至

盛京朝

見畢。

御賜恩宴一次。○八年。朝鮮國王第三子來朝。至鳳凰

城。筵宴一次。至

東京。遣侍郎往迎。筵宴一次。至

盛京城外迎送館。遣尚書往迎。筵宴一次。進城後。

在禮部筵宴一次。遣大學士陪宴。朝

見日。在

內筵宴一次。大學士陪宴。諸王府按旗各筵宴一次。同日。筵宴同。○順治元年。朝鮮國王弟代公來。差禮部司官。光祿寺官。往山海關迎接。筵宴一次。遣侍郎往三河縣迎接。筵宴一次。到京日。遣尚書在館筵宴一次。進城朝見畢。

賜恩宴一次。在部筵宴二次。在館筵宴二次。同日。餞送筵宴。與來時同。○是年。定。凡朝鮮國差來正副使。至山海關。駐防官陪宴一次。到京朝見後。在禮部筵宴一次。同日。筵宴一次。餞送筵宴。與

來時同。其領曆日官。及送咨官。在部筵宴一次。○八年。朝鮮國進年貢。及三大節慶賀進貢正副使。在禮部筵宴一次。

頒賞。在館筵宴一次。○以後。凡遇進貢。俱照例筵宴。順治十八年。安南國遣使進表投誠。

賜恩宴一次。○康熙三年。安南國遣使進貢來京朝見後。在禮部筵宴二次。禮部堂官陪宴。○七年以後。凡遇進貢。俱照例筵宴。

順治十年。琉球國遣使朝賀進貢朝

見後。在禮部筵宴二次。回至福建。筵宴一次。○康熙

三年以後。凡遇進貢。俱照例筵宴。

順治十三年。荷蘭國遣使進貢來京。朝

見後。在禮部

賜恩宴一次。部宴二次。○康熙六年以後。凡遇進貢。俱

照例筵宴。

康熙四年。暹羅國遣使進貢來京。朝

見後。在部筵宴二次。回廣東日。在布政司給酒飯一

次。○四十八年。暹羅國進馴象金絲猴人四名。

以與正貢使不同。停減筵宴。

康熙九年。西洋國遣使進貢來京。朝

見後。在部筵宴三次。○十七年。西洋國遣使進獅子

來京。筵宴同。

雍正五年。蘇祿國遣使進貢來京。朝

見後。在禮部筵宴二次。回至廣東。筵宴一次。

順治十三年。土魯番進貢。至甘鎮。筵宴一次。至

京日。頭目朝

見。

賜茶。在禮部。

賜恩宴一次。部宴二次。回日。良鄉縣備飯一次。至陝西。

布政司筵宴一次。事畢出邊。給酒十罈。○康熙

十二年以後。凡遇進貢。俱照例筵宴。

東海諸部落進貢設宴

崇德元年。索倫部落進貢。每三日。

御賜恩宴一次。按旗筵宴七次。○二年。克蓋克勒氏東果羅額駙等來。筵宴一次。○三年。索倫薩哈爾察。黑龍江。宋噶里江。庫爾喀。虎爾哈。使犬。使鹿。等部落進貢。迎接筵宴各一次。到京後。按旗輪設筵宴八次。回日。餞送筵宴一次。○順治元年。索倫等進貢。在禮部筵宴四次。回日。餞送筵宴一次。

喇嘛來京設宴

崇德七年。達賴喇嘛遣使來。

御賜筵宴一次。按旗筵宴七次。○八年。達賴喇嘛遣使請

安。

御賜筵宴一次。八旗王。貝勒等。五日輪設筵宴一次。回日。王。貝勒等送至教場。大宴。○順治七年。達賴喇嘛使來。在禮部筵宴三次。○十年。達賴喇嘛來朝。遣親王往迎。筵宴。到京日。

御賜恩宴一次。諸王府照旗輪設筵宴各一次。回日。遣

親王往送筵宴。

酒飯

順治間定。凡撰寫奉入

太廟神牌等項。內院學士等官供給飯桌。俱光祿寺備辦。

凡撰寫

皇太后

皇后冊寶官供給飯桌。俱光祿寺備辦。

凡纂修

玉牒供給。總裁官。每月飯桌銀十四兩八錢五分。纂修。收掌等官。銀七兩八錢七分五釐。膳錄等官。

銀五兩一錢九分。書辦。匠役人等。銀一兩三錢五分。

凡纂修

實錄供給。大學士。每日飯桌銀九錢七分六釐七毫。副

總裁。銀四錢八分八釐五毫五絲。纂修官。銀二

錢八分三釐五毫六絲。收掌。膳錄等官。銀一錢

五分二釐七毫五絲。膳寫書辦。銀一錢二釐一

毫八絲。

凡

殿試。大臣執事官員供給飯桌。俱光祿寺備辦。文武

試同。內閣寫榜供事官。門官。火房。紙匠等役。每名

日給白米一升。豬肉一觔。每四名。酒一壺。刊刷

匠役。每名。日給白米一升八合。豬肉十二兩。

殿試進士。每名。早飯湯一碗。饅頭四箇。午飯餅四

箇。梨二箇。茶一鍾。

凡

廷試貢生。監試大臣供給飯桌十張。

凡考試庶吉士。內閣大臣供給飯桌。庶吉士每

員。餅四。梨四。

凡

大清會典卷之一百八
天安門外掣籤吏部等官供給飯桌後停止。

大清會典卷之一百八

大清會典卷之一百九

禮部精膳司

下程路費

外藩外國進貢并差來人員到京由各該衙門行文至禮部俱給下程回時復給路費禮部移會光祿寺支送其例具載於後。

凡外藩固倫公主額駙同來京崇德三年定。每日給下程鵝二隻雞二隻魚二尾牛乳三碗。每十日給羊十隻酒十瓶茶二十包酥油五觔鹽十觔蘇油十觔。每月給牛一隻回時給路費牛一隻羊十隻茶三十包酥油五觔鹽一斗蘇油

十觔。○順治二年。定。每日。給羊一隻。鵝二隻。雞三隻。牛乳七錠。魚三尾。每十日。給蘋菓一百個。柿餅一百個。檳子一百五十個。梨一百五十個。鮮葡萄十五觔。栗子十觔。乾棗十觔。核桃三百個。酒十瓶。茶一百五十包。酥油五觔。棉花八兩。磚鹽十八觔。黃蠟五十枝。白蠟十枝。燈油十觔。醬五觔。清醬二觔。八兩。醋一觔。每月。給牛一隻。○三年。定。每十日。給牛一隻。回時。給路費。牛三隻。羊二十五隻。茶二百包。酥油十觔。酒四瓶。黃蠟一百枝。白鹽一斗。○康熙元年。議准。每日。給

羊二隻。若止額駙來京。給羊一隻。餘如舊。

凡外藩和碩公主。額駙。同來京。崇德三年。定。每日。給牛乳二碗。鵝二隻。雞二隻。魚二尾。每十日。給羊十隻。酒十瓶。鹽十觔。蘇油十觔。茶二十包。酥油四觔。回時。給路費。羊十隻。○順治二年。定。每日。給羊一隻。鵝一隻。雞三隻。牛乳五錠。魚三尾。每十日。給蘋菓八十個。柿餅一百個。檳子一百個。梨一百個。鮮葡萄十二觔。乾棗八觔。核桃二百個。栗子十觔。酒十瓶。茶一百包。酥油三觔。棉花八兩。磚鹽十五觔。黃蠟三十枝。燈油五觔。

醬四觔。清醬二觔。醋一觔。回時。給路費。牛二隻。羊二十隻。茶一百五十包。酥油七觔。酒三瓶。黃蠟八十枝。白鹽一斗。若止額駙來京。照伊品級給與。

凡外藩郡主。額駙同來京。順治元年。定。每日。給羊一隻。鵝一隻。雞二隻。牛乳二錠。黃蠟二枝。燈油二鍾。魚二尾。每十日。給茶三十包。酥油二觔。酒十瓶。蘋菓七十個。梨七十個。乾棗五觔。核桃一百五十個。柿餅七十個。葡萄十觔。栗子八觔。磚鹽十觔。醬二觔半。清醬一觔。醋一觔。回時。給

路費。牛一隻。羊十隻。茶一百包。酥油五觔。酒二瓶。黃蠟五十枝。白鹽二斗。○康熙元年。議准。每日。加牛乳一錠。每十日。加茶二十包。酥油一觔。回時。路費。加羊五隻。若止額駙來京。照伊品級給與。

凡外藩縣主。額駙同來京。崇德八年。定。每日。給羊一隻。鵝二隻。雞二隻。魚二尾。牛乳二碗。每十日。給酒十瓶。鹽十觔。茶二十包。酥油四觔。回時。給路費。羊八隻。○順治元年。定。每日。給羊一隻。鵝一隻。雞一隻。牛乳一錠。黃蠟一枝。燈油二鍾。

每十日。茶二十包。酥油一觔半。酒十瓶。蘋菓三十個。梨三十個。乾棗三觔。核桃七十個。柿餅三十個。葡萄三觔。栗子三觔。磚鹽五觔。醬二觔。清醬一觔。醋一觔。回時。給路費。羊八隻。茶八十包。酥油三觔。酒二瓶。黃蠟三十枝。白鹽二斗。○康熙元年。議准。每日。加牛乳一錠。每十日。加茶二十包。酥油半觔。回時。路費。加牛一隻。羊二隻。若止額。駙來京。照伊品級給與。

凡外藩郡君。額駙。同來京。崇德八年。定。每日。給羊一隻。牛乳一碗。燈油二鍾。每十日。茶十包。酥

油一觔半。酒十瓶。鹽五觔。回時。給路費。羊三隻。○順治元年。定。每日。給羊一隻。牛乳一錠。黃蠟一枝。燈油二鍾。每十日。茶十包。酥油一觔半。酒十瓶。磚鹽五觔。醬二觔。清醬一觔。回時。給路費。羊六隻。茶六十包。酥油二觔。酒一瓶。黃蠟二十枝。白鹽一斗。○康熙元年。議准。每日。加雞二隻。牛乳一錠。每十日。加茶二十包。蘋菓二十個。梨二十個。柿餅二十個。乾棗二觔。葡萄二觔。栗子二觔。核桃五十個。回時。路費。加羊四隻。若止額。駙來京。照伊品級給與。

凡外藩縣君額駙同來京。順治元年定。每日給羊一隻。酒一瓶。茶一包。牛乳一錠。酥油二兩。燈油四兩。鹽六兩。回時給路費。羊四隻。茶四十包。酥油二觔。每日給鹽三兩。○康熙元年。議准。每日加茶一包。牛乳一錠。酥油一兩。回時路費。加羊四隻。黃蠟十五枝。若止額駙來京。照伊品級給與。

凡外藩鄉君額駙同來京。順治元年定。每日給羊一隻。酒一瓶。茶一包。牛乳一錠。酥油二兩。燈油一鍾。白鹽四兩。回時給路費。羊二隻。每日給

鹽一兩。○康熙元年。議准。每日加茶一包。牛乳一錠。酥油一兩。燈油一鍾。回時路費。加羊四隻。茶三十包。酥油一觔。鹽每日四兩。若止額駙來京。照伊品級給與。

凡隨從公主等同來人員。崇德三年定。都統副都統。護軍統領。每員。日給肉二觔。酒一壺。茶一包。回時給路費。每日肉一觔。并給鹽。頭目。日給肉各二觔。隨從人。日給肉各一觔。○順治元年。定。都統副都統。護軍統領。每員。日給肉三觔。茶一包。白麵一觔。酥油二兩。燈油一鍾。鹽一兩。又

大清會典 卷一百九 五
都統。每日。給肉一盤。酒一壺。副都統。護軍統領。
每二日。給肉一盤。酒一壺。回時。給路費。每日。肉
一觔半。鹽一兩。叅領。佐領。并隨從人員。每名。日
給肉二觔。燈油一鍾。鹽一兩。每二日。肉一盤。酒
一壺。茶一包。白麵一觔。酥油二兩。回時。給路費。
每日。肉一觔。鹽一兩。各項頭目人員。每名。日給
肉二觔。燈油一鍾。鹽一兩。每二日。肉一盤。酒一
壺。回時。給路費。每日。肉一觔。鹽一兩。護軍。并牽
馬人役。隨從太監。及婦女。每名。日給肉二觔。鹽
一兩。回時。給路費。每日。肉一觔。鹽一兩。

凡

皇后父母及科爾沁土謝圖親王。卓禮克圖親王。達
爾漢巴圖魯親王。來京。崇德三年。定。每日各給
鵝二隻。雞二隻。魚二尾。牛乳三碗。每十日。各給
羊十隻。酒十瓶。蘇油十觔。茶二十包。酥油五觔。
鹽十觔。每月。各給牛一隻。回時路費。各給牛一
隻。羊十隻。茶三十包。酥油五觔。蘇油十觔。鹽十
觔。○順治十三年。議准。下程路費。與公主同。隨
從人員。下程路費。與公主隨從人員同。
凡外藩親王來京。崇德六年。定。每日。給茶一包。

牛乳一碗。酥油三兩。每二日。羊一隻。酒一瓶。鹽一觔。回時。給路費。羊十隻。○順治元年。定。每日。給羊一隻。酒一瓶。茶二包。牛乳二錠。酥油六兩。白麩二觔。磚鹽八兩。黃蠟二枝。燈油八兩。回時。給路費。羊十隻。茶四十包。酥油三觔。酒四瓶。鹽一十觔。黃蠟三十枝。○康熙元年。議准。每日。加茶一包。回時。路費。加牛一隻。茶二十包。

凡外藩郡王來京。崇德二年。定。每日。給羊一隻。酒一瓶。茶一包。牛乳一碗。酥油三兩。麩一觔。燈油三鍾。并鹽。回時。給路費。羊八隻。○順治元年。

定。每日。給羊一隻。酒一瓶。茶一包。牛乳一錠。酥油四兩。黃蠟一枝。燈油二鍾。鹽八兩。回時。給路費。羊八隻。茶三十包。酥油二觔。酒二瓶。黃蠟二十枝。鹽八兩。○康熙元年。議准。每日。加茶一包。牛乳一錠。回時。路費。加牛一隻。茶二十包。

凡外藩貝勒來京。崇德八年。定。每日。給羊一隻。茶一包。酒一瓶。并鹽。每十日。給麩二觔。回時。給路費。羊六隻。○順治元年。定。每日。給羊一隻。酒一瓶。茶一包。牛乳一錠。酥油三兩。燈油六兩。鹽八兩。回時。給路費。羊六隻。茶二十包。酥油一觔。

每日給鹽四兩。○康熙元年。議准。每日加茶一包。黃蠟一枝。回時路費。加羊二隻。茶二十包。黃蠟十枝。酒一瓶。

凡外藩貝子來京。崇德八年。定。每日給羊一隻。酒一瓶。茶一包。并鹽。每十日。給麪二觔。回時。給路費。羊五隻。○順治元年。定。每日給羊一隻。酒一瓶。茶一包。牛乳一錠。酥油二兩。燈油四兩。鹽六兩。回時。給路費。羊四隻。每日。鹽三兩。○康熙元年。議准。回時路費。加羊二隻。茶三十包。酥油一觔。

凡外藩公來京。崇德六年。定。每日給羊一隻。酒一瓶。燈油一鍾。茶一包。麵一觔。回時。給路費。羊三隻。○順治八年。議准。每日給羊一隻。酒一瓶。茶一包。牛乳一錠。酥油二兩。燈油四兩。鹽五兩。回時。給路費。羊三隻。每日。鹽二兩。○康熙元年。議准。回時路費。加羊二隻。茶二十包。酥油一觔。凡外藩公主子台吉來京。崇德六年。定。每日給羊一隻。酒一瓶。燈油三鍾。每十日。茶十包。回時。給路費。羊二隻。○順治元年。定。每日給羊一隻。酒一瓶。牛乳二錠。鵝一隻。雞一隻。黃蠟二枝。燈

油二鍾。每十日。茶二十包。酥油二觔。磚鹽十觔。蘋菓十五個。梨三十個。桃十五個。核桃八十個。乾棗二觔。葡萄三觔。回時。給路費。羊四隻。茶十四包。酥油一觔。黃蠟十枝。

凡台吉。塔布囊。來京。崇德三年。定。每日。給羊一隻。酒一瓶。茶一包。酥油二兩。回時。給路費。羊二隻。○順治元年。定。每日。給羊一隻。酒一瓶。茶一包。牛乳一錠。酥油二兩。燈油一鍾。鹽四兩。回時。給路費。羊二隻。每日。給鹽一兩。○康熙元年。議准。回時。路費。加羊一隻。

凡外藩都統來京。崇德六年。定。每日。給肉二觔。每二日。給肉一盤。酒一壺。燈油一鍾。并鹽。回時。給路費。每日。肉一觔。○順治元年。定。每日。給肉三觔。又肉一盤。酒一壺。燈油一鍾。鹽一兩。回時。給路費。每日。肉一觔半。鹽一兩。

凡外藩副都統。叅領。佐領。來京。崇德四年。定。每日。各給肉二觔。每二日。給肉一盤。酒一壺。燈油一鍾。鹽一兩。回時。給路費。每日。肉一觔。鹽一兩。

○順治元年。定。每日。各給肉二觔。鹽一兩。每二日。給肉一盤。酒一壺。回時。給路費。每日。肉一觔。

鹽一兩。

凡歸化城都統副都統等四季進貢來京。崇德三年定。每日給羊一隻。酒一瓶。燈油三鍾。并鹽。回時給路費。羊一隻。○順治元年定。都統每日給羊一隻。酒一瓶。茶一包。牛乳一錠。酥油二兩。燈油一鍾。鹽一兩。回時給路費。羊二隻。每日鹽一兩。副都統每日給羊一隻。酒一瓶。茶一包。麩一觔。酥油二兩。燈油一鍾。鹽一兩。回時給路費。羊二隻。每日鹽一兩。叅領佐領每日給羊一隻。酒一瓶。茶一包。麩一觔。酥油二兩。燈油一鍾。鹽一兩。回時給路費。羊一隻。其領催頭目每日各給肉二觔。鹽一兩。每二日肉一盤。酒一壺。回時給路費。每日肉一觔。兵丁從役每日各給肉一觔。鹽一兩。回時每日各給鹽一兩。

凡外藩聽事頭目等來京。崇德八年定。每日各給肉二觔。鹽一兩。燈油一鍾。每二日給肉一盤。酒一壺。回時給路費。每日肉一觔。○順治元年定。每日各給肉二觔。每二日肉一盤。酒一壺。鹽一兩。回時給路費。羊一隻。每日鹽一兩。從役每日各給肉一觔。回時每日各給鹽一兩。

凡

盛京寧古塔等處人員來京。順治三年定。民公侯伯。每日給鵝一隻。雞二隻。肉八觔。魚三尾。一品官給鵝一隻。肉六觔。雞一隻。魚二尾。二品官給鵝一隻。肉五觔。雞一隻。魚一尾。三品官。每日給鵝一隻。每日肉四觔。雞一隻。四品官。每日給鵝一隻。肉三觔。五品官。每日肉三觔。六品七品官。每日肉二觔。無頂帶之人。每日給鹽一兩。○康熙元年。議准。民公侯伯。每日鵝一隻。雞一隻。肉四觔。魚二尾。一品官。每日鵝一隻。肉三觔。魚二尾。二品官。每日雞一隻。肉三觔。魚一尾。四品五品官。每日肉二觔。六品七品官。每日肉一觔。無頂帶之人。每日給鹽一兩。

凡喀爾喀部落慶賀來京。崇德三年定。每日給羊一隻。酒一瓶。茶一包。并鹽。燈油一鍾。酥油五兩。牛乳一碗。回時。給路費。羊一隻。○順治十一年。議准。每日給羊一隻。酒一瓶。茶二包。麩二觔。酥油四兩。牛乳一錠。燈油二鍾。黃蠟一枝。鹽一兩。頭目。每日給羊一隻。酒一瓶。鹽一兩。每日

茶一包。麪一觔。酥油二兩。從役每日。各給肉一觔半。鹽一兩。回時。給路費。台吉羊三十五隻。頭目。頒過三九賞者。給羊七隻。頒過二九賞者。給羊六隻。頒過一九賞者。給羊五隻。未頒賞者。給羊三隻。頭目從役每日。各給鹽一兩。

凡厄魯特喀爾喀部落進貢。并因事來京。崇德三年。定。每日。給羊一隻。酒一瓶。酥油二兩。并鹽。燈油二鍾。麪一觔。○順治三年。定。總領頭目。每日。給羊一隻。酒一瓶。茶一包。牛乳一錠。酥油二兩。鹽一兩。其餘頭目。每日。給羊一隻。酒一瓶。鹽

一兩。燈油一鍾。每二日。茶一包。麪一觔。酥油二兩。從役每日。肉一觔半。鹽一兩。回時。給路費。頭目。頒過三九賞者。給羊六隻。頒過二九賞者。給羊五隻。頒過一九賞者。給羊四隻。未頒賞者。給羊三隻。頭目從役每日。各給鹽一兩。

凡喀爾喀碩落席勒圖庫圖克圖來京。崇德三年。定。每日。給羊一隻。酒一瓶。回時。給路費。羊一隻。○順治三年。定。每日。給羊一隻。茶一包。牛乳一錠。酥油二兩。麪一觔。燈油一鍾。鹽一兩。回時。給路費。羊十隻。每日。鹽一兩。

凡東方索倫薩哈爾察虎爾哈庫爾哈等部落
 貢貂來京。崇德三年。定。頭目。每日。各給肉二觔。
 酒一壺。肉一盤。燈油一鍾。鹽一兩。每三日。給蒸
 餅一次。回時。給路費。每日。肉半觔。○順治元年。
 定。頭目。每日。各給肉二觔。燈油一鍾。鹽一兩。醬
 一兩。醃菜八兩。每二日。給肉一盤。酒一壺。每五
 日。糖餅五個。從役。每日。肉一觔。鹽一兩。每五日。
 糖餅五個。回時。給路費。頭目。羊一隻。從役。二人
 共羊一隻。頭目。從役。每日。各給鹽一兩。
 凡東方克益克勒氏東果羅額駙等來京。崇德

二年。定。每日。給肉二觔。酒一壺。肉一盤。燈油一
 鍾。并鹽。每三日。給蒸餅一次。回時。給路費。每日。
 肉半觔。○順治八年。議准。每日。給肉二觔。每二
 日。肉一盤。酒一壺。從役。每日。給肉一觔。回時。停
 給。

凡康噶拉庫地方貢貂來京。崇德三年。定。頭目。
 每日。給肉二觔。酒一壺。肉一盤。燈油一鍾。并鹽。
 每三日。給蒸餅一次。回時。給路費。每日。肉半觔。
 ○順治八年。議准。頭目。每日。各給肉二觔。酒一
 壺。醬一兩。醃菜一觔。葱一觔。燈油一鍾。鹽一兩。

二員。共肉一盤。每五日。各給糖餅五個。從役。每日。肉一觔。回時。各給一月食鹽。

凡外藩慶賀元旦來京。崇德三年。定。外藩公主。給大野猪一口。小野猪一口。鹿二隻。麇五隻。野雞三十隻。魚三十尾。喀爾喀扎薩克圖汗下總領頭目等。各給麇一隻。野雞三隻。魚三尾。鄂爾多斯台吉。給野猪一口。野雞五隻。魚五尾。和碩土謝圖親王下護衛。給野猪一口。野雞二隻。魚二尾。和碩卓禮克圖親王下來使。給麇一隻。其餘頭目。每二員。共麇一隻。○順治元年。定。外藩

親王。給猪一口。羊一隻。魚二十五尾。酒四瓶。茶二桶。郡王。給猪一口。魚二十尾。酒三瓶。茶一桶。貝勒。給猪一口。魚十尾。酒二瓶。茶一桶。貝子。給猪一口。魚五尾。酒一瓶。茶一桶。公。給羊一隻。魚五尾。酒一瓶。茶一桶。台吉。塔布囊等。各給羊一隻。魚五尾。酒一瓶。歸化城都統。給羊一隻。酒一瓶。叅領。佐領。頭目。每二員。共給羊一隻。酒一瓶。每旗來頭目。二員。共給羊一隻。酒一瓶。進貢頭目。各給肉五觔。酒一壺。喀爾喀厄魯特總領頭目。各給羊一

隻。酒一瓶。朝鮮國進貢正使官。給羊二隻。魚十尾。酒一瓶。副使官。書狀官。共給羊三隻。魚十尾。酒一瓶。大通官。押物官。魚各一尾。共猪一口。羊四隻。酒五瓶。除夕。共設宴五席。鵝三隻。雞二隻。酒三瓶。茶三桶。○康熙元年。議准。外藩親王。遇除夕。設宴四席。羊二隻。乳酒一瓶。郡王。宴三席。羊二隻。乳酒一瓶。貝勒。宴二席。羊一隻。乳酒一瓶。貝子。公。宴各一席。羊各一隻。乳酒各一瓶。餘俱照舊例。○八年。定。外藩公主。遇除夕。設宴四席。牛一隻。羊二隻。猪一口。野雞三十隻。魚三十

尾。乳酒二瓶。酒四瓶。縣君。宴二席。羊一隻。猪一口。野雞五隻。魚五尾。乳酒一瓶。酒二瓶。凡朝鮮國王子弟。崇德二年。定。給朝鮮國王子。每日。鵝一隻。雞二隻。魚四尾。細粉三觔。葱二觔。生菜一觔。韭一觔。燈油三鍾。清醬八兩。醬一觔。醋三兩二錢。酒一瓶。肉八觔。粳米二升。隨從。每人。各給肉一觔。并鹽米。○順治十三年。議准。給朝鮮國王弟代公。每日。茶四兩。牛乳一錠。酥油三兩。肉五觔。鵝一隻。雞三隻。魚三尾。細粉一觔。半。豆腐三觔。蒜十頭。清醬四兩。醬八兩。醋四兩。

醃菜三觔。鮮薑五兩。細白鹽。黃蠟三枝。燈油三
 鍾。蘋菓十五個。梨十五個。柿十五個。棗一觔。每
 三日。給羊一隻。酒一瓶。副使官。太監。書狀官。每
 日。各給豆腐一觔。醃菜三觔。魚二尾。茶二兩。并
 鹽。每五日。各給羊一隻。酒一瓶。鵝二隻。雞三隻。
 香油十兩。清醬十五兩。醬一觔。醋十兩。大通官。
 每日。各給肉一觔半。雞一隻。茶一兩。醬二兩。醃
 菜二觔。酒一壺。燈油一鍾。并鹽。微員。每日。各給
 肉一觔。醬一兩。醃菜一觔。燈油一鍾。茶一兩。并
 鹽。每五日。每六員。共給酒一瓶。從役。每日。各給

肉半觔。醬一兩。醃菜八兩。并鹽。回時。給代公路
 費。牛一隻。羊七隻。酥餅三百。條餅四百。燒餅三
 百。白糖十觔。白鹽六十兩。代公來至山海關以
 內。每站。給羊一隻。鵝二隻。雞二隻。酒十觔。副使
 官。太監。各給鵝一隻。猪肉三觔。書狀官。雞一隻。
 肉二觔。大通官。給肉一觔半。微員。各給肉一觔。
 從役。各給肉半觔。以上。共給酒三瓶。回時。自牛
 莊至鳳凰城。亦照此例給發。自鳳凰城給代公
 路費。羊二隻。副使官。太監。書狀官。各給羊一隻。
 ○康熙十一年。議准。朝鮮國差官來。每日。給茶

四兩。牛乳一錠。酥油三兩。肉五觔。鵝一隻。雞二隻。魚三尾。細粉一觔半。豆腐三觔。蒜十頭。清醬四兩。醬八兩。醋四兩。醃菜三觔。薑五兩。鹽二兩。黃蠟三枝。燈油三鍾。蘋菓十五個。梨十五個。柿十五個。棗一觔。每三日。給羊一隻。酒一瓶。副使書狀官。大通官。微員。從役。俱照前例給發。

凡朝鮮國慶賀

萬壽。元旦。冬至。進表來京。崇德四年。定。正使。副使。書狀官。每日。各給鵝二隻。雞三隻。豆腐一觔。醃菜三觔。魚二尾。每五日。給羊一隻。酒一瓶。香油十

兩。清醬十五兩。醬一觔。醋十兩。回時。給路費。正副使。羊各二隻。書狀官。羊一隻。大通官。每日肉一觔半。押物官。每日。肉一觔。鹽醬二兩。醃菜八兩。每五日。酒二瓶。回時。路費。大通官。給肉三十觔。押物官。肉二十觔。從人。二名。共肉一觔。并鹽。二十人。每五日。酒一瓶。回時。路費。頒過賞者。給肉各十觔。并鹽。○順治四年。定。正使。每日。給魚三尾。豆腐二觔。醃菜一觔。茶三兩。鹽一兩。每五日。羊一隻。酒一瓶。鵝三隻。雞二隻。香油一觔。醬瓜十兩。清醬一觔。四兩。醬一觔。四兩。醋十兩。燈

油十兩。副使書狀官每日各給豆腐一觔。醃菜一觔。魚二尾。鹽二兩。茶二兩。每五日。羊一隻。酒一瓶。鵝二隻。雞三隻。醬瓜半觔。香油十兩。醋十兩。醬一觔。清醬十五兩。燈油十兩。大通官每日各給肉一觔半。酒一壺。雞一隻。醬三兩。燈油一鍾。醃菜八兩。鹽。茶一兩。押物官每日各給肉一觔。茶一兩。醬二兩。醃菜八兩。共燈油二鍾。鹽一兩。每五日。酒四瓶。從人每日各給肉半觔。醃菜四兩。醬二兩。鹽一兩。頒過賞者。每六名。每五日。酒一瓶。回時路費。正使給羊三隻。副使書狀官。

各給羊二隻。大通官折肉銀一兩八錢。押物官折肉銀一兩二錢。頒過賞者。各折肉銀六錢。俱給鹽。正使副使書狀官。大通官。押物官。從人。俱給米。自京起至義州止。移咨戶部支發。

凡朝鮮國進表來京。崇德三年。定。都經歷。大通官。每日各給肉一觔半。鹽。醬二兩。醃菜八兩。每五日。酒一瓶。回時路費。各給肉三十觔。小通事。每日。肉一觔。醬二兩。菜一觔。回時路費。肉二十觔。○順治四年。定。都經歷。每日。給鵝一隻。雞一隻。肉三觔。豆腐一觔。清醬二兩。醬三兩。醋二兩。

香油二兩。醃菜八兩。酒一壺。茶二兩。燈油一鍾。鹽一兩。大通官。每日。給肉一觔半。雞一隻。醬二兩。醃菜八兩。酒一壺。燈油一鍾。茶一兩。鹽一兩。小通事。每日。給肉一觔。醬二兩。醃菜八兩。酒一壺。燈油一鍾。茶鹽各一兩。從人。每日。給肉半觔。醃菜共三觔。燈油二鍾。鹽一兩。每五日。給酒二瓶。回時路費。都經歷。折肉銀一兩八錢。大通官。折肉銀一兩二錢。小通事。折肉銀九錢。從人。各折肉銀六錢。并給鹽。都經歷。大通官。小通事。從人。俱給米。自京起至義州止。移咨戶部支發。

凡琉球國來使。順治七年。定。琉球國王差來朝貢王舅。每日。給鵝一隻。雞一隻。肉三觔。茶一兩。豆腐二觔。花椒一錢。清醬六兩。香油六錢。醬六兩。各樣菜蔬三觔。酒二壺。鹽一兩。正議大夫。每日。給雞一隻。肉三觔。茶六錢。豆腐一觔半。花椒八分。清醬四兩。醬四兩。香油四錢。菜二觔。酒一壺。鹽一兩。四節官。都通事官。每日。各給雞一隻。肉二觔。茶五錢。豆腐一觔。花椒五分。清醬四兩。香油四錢。醬四兩。酒一壺。菜一觔。鹽一兩。王舅下通事。每日。給肉三觔。豆腐一觔。花椒五分。從

大清會典 卷一百九
役。每日。給肉一觔。鹽一兩。菜十兩。送來通事。每日。給肉二觔。鹽一兩。正副使。各官。從役。俱給米。移咨戶部支發。○康熙二十七年。議准。琉球國陪臣子弟在監讀書者。照都通事例。每日支給。凡安南國來使。順治十八年。議准。安南國進表使臣。每日。給肉二觔。雞一隻。酒一壺。茶一兩。香油一兩。花椒一錢。醬二兩。清醬二兩。燈油二鍾。鹽二兩。醃菜一觔。醬瓜四兩。豆腐一觔半。通事。各給肉一觔。醃菜一觔。鹽一兩。共酒一壺。正使。各官。從人。俱給米。移咨戶部支發。

凡荷蘭國來使。順治十三年。議准。荷蘭國朝貢正使。副使。及次官。每日。共給牛乳一錠。每二日。羊一隻。每五日。蘋菓五十個。梨五十個。葡萄五觔。棗五觔。沙菓七十五個。正使。副使。每日。共鵝一隻。雞一隻。魚一尾。茶一兩。麩二觔。豆腐二觔。椒一錢。清醬六兩。醬六兩。香油六錢。各樣菜三觔。酒十壺。次官。每日。給茶五錢。麩一觔。豆腐一觔。椒五分。清醬四兩。醬四兩。香油四錢。酒一壺。菜一觔。通事。每日。給肉二觔半。其茶。并菜蔬。與次官同。從役。每日。各給肉一觔半。麩半觔。菜二

兩。共酒五壺。伴送廣東通事。每日各給肉一觔。清醬二兩。醬二兩。菜一觔。以上每人。鹽一兩。正副使。餘官。從役。俱給米。移咨戶部支發。

凡暹羅國來使。康熙三年。議准。暹羅朝貢正使。副使。辦事幹事官。每日共給牛乳一錠。每二日。給羊一隻。每五日。蘋菓五十個。梨五十個。鮮葡萄五觔。棗五觔。沙菓七十五個。正副使。每日共鵝一隻。雞一隻。魚一尾。茶一兩。麪二觔。豆腐二觔。椒一錢。清醬六兩。醬六兩。香油六錢。各樣菜蔬三觔。酒十壺。燈油一鍾。辦事幹事官。每日各

豆腐一觔。茶五錢。麪一觔。椒五分。清醬四兩。醬四兩。香油四錢。酒一壺。菜一觔。燈油一鍾。通事官。每日。肉二觔半。茶五錢。麪一觔。豆腐一觔。花椒五分。清醬四兩。醬四兩。香油四錢。酒一壺。菜一觔。燈油一鍾。從人。每日。各給肉一觔半。麪半觔。菜二兩。鹽一兩。共酒十壺。燈油五鍾。正使。副使。辦事幹事。通事。從人。俱給米。移咨戶部支發。凡蘇祿國來使。雍正五年。定。蘇祿國朝貢正使。副使。每日。共給牛乳一錠。羊一隻。各給鵝一隻。雞一隻。魚一尾。茶一兩。麪二觔。椒一錢。清醬六

兩。醬六兩。香油一兩。各樣菜蔬三觔。酒六壺。燈油一鍾。鹽一兩。每五日。共給蘋菓五十個。梨五十個。葡萄酒五觔。棗五觔。沙菓七十五個。通事。護送官。每二日。給羊一隻。雞一隻。每日。茶五錢。麪一觔。豆腐一觔。椒五分。清醬二兩。醬四兩。香油四錢。酒一壺。菜一觔。燈油共二鍾。從人。各給肉一觔半。麪半觔。菜二兩。共酒六壺。燈油二鍾。鹽各一兩。正副使。通事。護送等官。從人。俱給米。移咨戶部支發。

凡西洋國來使。康熙九年。定。西洋國朝貢正使。

每日。給牛乳一錠。羊一隻。鵝一隻。雞一隻。魚一尾。茶一兩。麪二觔。豆腐二觔。椒一錢。清醬六兩。醬六兩。香油一兩。各樣菜蔬三觔。酒六壺。燈油一鍾。每四日。蘋菓五十個。梨五十個。葡萄酒五觔。棗五觔。沙菓七十五個。護送官。每二日。給羊一隻。雞一隻。每日。茶五錢。麪一觔。豆腐一觔。椒五分。清醬二兩。醬四兩。香油四錢。酒一壺。菜一觔。燈油共二鍾。從人。每日。各給肉一觔半。麪半觔。菜二兩。共酒六壺。燈油二鍾。正使官。護送官。通事。書辦。從人。俱給米。移咨戶部支發。

凡土魯番來使。順治三年定。土魯番國朝貢謝
恩正使。每五日。給羊一隻。鵝一隻。雞一隻。麩十
五觔。椒一兩。醬十兩。香油一觔。鹽五兩。茶三兩。
核桃二觔。紅棗二觔。每日。各樣菜二觔。四兩。次
等頭目。每五日。共給羊二隻。鵝二隻。雞二隻。椒
二兩。醬一觔。四兩。茶八兩。核桃二觔。紅棗二觔。
麩四十觔。每日。菜四兩。香油二觔。鹽一觔。四兩。
從役。每五日。共給羊十隻。雞二隻。椒二兩。五錢。
醬七觔。十三兩。鹽七觔。十三兩。麩一百二十五
觔。香油七觔。十三兩。核桃五觔。紅棗五觔。茶一

觔。九兩。甘肅通事。每日。給肉一觔。醬一兩。菜八
兩。鹽一兩。正使。副使。每五日。給粳米一石五斗。
折酒粳米一石五斗。餘官。從役。各給米。移咨戶
部支發。

凡衍聖公來朝。順治八年定。給羊一隻。鵝二隻。
酒六瓶。麩二十觔。茶。鹽。醬。各二觔。黃蠟十枝。○
康熙元年。議准。停給羊酒。餘如舊。

凡嗣正一真人來朝。順治八年定。給羊一隻。鵝
二隻。酒六瓶。麩二十觔。茶。鹽。醬。各二觔。黃蠟十
枝。○康熙元年。議准。停給羊酒。餘如舊。

凡番僧。康熙二年。議准。番僧進貢。每日。共給羊一隻。僧官。每日。給茶一包。牛乳一錠。酥油二兩。其餘僧人。每日。肉二觔。每二日。肉一盤。茶一包。麩一觔。酥油二兩。俱各給燈油一鍾。鹽一兩。番僧。僧官。僧人。俱給米。移咨戶部支發。

凡俄羅斯國來使。順治十三年。議准。俄羅斯國進貢總領頭目。并從人。每日。共給羊一隻。酒一瓶。總領頭目。每日。茶一包。牛乳一錠。酥油二兩。魚二尾。燈油二鍾。醋四兩。醬四兩。醃菜一觔。其餘頭目。每日。共給羊一隻。酒一瓶。每二日。各給

茶一包。麩一觔。酥油二兩。燈油一鍾。其餘從役。每日。各給肉一觔半。已上。每人。鹽各一兩。回時。給路費。其頭目。頒過三九賞者。給羊六隻。頒過二九賞者。給羊五隻。頒過一九賞者。給羊四隻。每日。鹽各一兩。○康熙十五年。議准。俄羅斯進貢來使。并從人。每日。給羊一隻。酒一瓶。茶一包。牛乳一錠。酥油二兩。魚二尾。燈油二鍾。醃菜一觔。醬四兩。醋四兩。鹽一兩。其餘頭目。并從人。每日。給羊一隻。酒一瓶。每二日。各給茶一包。麩一觔。酥油二兩。各頭目。每日。燈油一鍾。鹽一兩。

大清會典 卷一百九
特賜宴五席。茶十桶。每十日一次。○雍正四年。以來使

薩瓦。係俄羅斯國大臣。

特旨。每日加一倍給與。

凡達賴喇嘛來朝。順治九年。定。每十日。給羊三十隻。茶三十觔。麩六十觔。酥油十觔。牛乳三十觔。鹽十觔。黃蠟三枝。頭等第一喇嘛。每名。每十日。給羊十隻。茶二十包。麩二十觔。酥油五觔。牛乳十五觔。鹽十兩。黃蠟一枝。頭等第二。及二等喇嘛。每十人。每十日。給羊十隻。茶十包。麩二十觔。酥油二十兩。牛乳四觔。鹽三觔。燈油十鍾。三

等。四等人。從役。每十二名。每十日。給羊十隻。茶十包。麩二十觔。酥油二十兩。牛乳四觔。鹽三觔。燈油十鍾。

凡達賴喇嘛來使。崇德七年。定。正副使。每日。各給羊一隻。茶一包。衆喇嘛。共給羊一隻。各給燈油二鍾。酥油五兩。牛乳一碗。并鹽。回時。給路費。羊各一隻。○順治七年。定。正使。并從役。每日。給羊一隻。茶一包。牛乳一錠。酥油二兩。副使。并從役。每日。給羊一隻。格隆等。每日。各給肉二觔。每二日。肉一盤。班第等。每日。各給肉二觔。副使。格

隆等。每二日。各給茶一包。麪一觔。酥油二兩。從
役。每日。各給肉一觔半。正使。副使。每日。燈油各
一鍾。每五日。設宴五席。羊二隻。茶四桶。禮部並
理藩院官員監送。以上。給鹽各一兩。回時。正使。
給路費羊七隻。副使。給羊六隻。格隆班第等。每
日。給肉一觔。食鹽共給二十日。回時路費。
今停止。

凡各處大喇嘛來朝。崇德三年。定。每日。給羊一
隻。酒一瓶。麪一觔。燈油二鍾。并鹽。回時。給路費
羊一隻。○順治元年。定。每日。給羊一隻。茶一包。
牛乳一錠。酥油二兩。燈油一鍾。鹽一兩。回時。給

路費。羊二隻。每日。鹽一兩。

凡小喇嘛總領來朝。崇德三年。定。每日。給羊一
隻。麪半觔。燈油一鍾。并鹽。回時。給路費。每日。肉
各一觔。○順治元年。定。每日。給羊一隻。鹽一兩。
每二日。茶一包。麪一觔。酥油二兩。回時。給路費。
羊一隻。每日。鹽一兩。

凡格隆俄木布來朝。崇德三年。定。每日。各給肉
二觔。鹽一兩。回時。給路費鹽。○順治元年。定。每
日。各給肉二觔。鹽一兩。每二日。肉一盤。茶一包。
麪一觔。酥油二兩。回時。給路費。每日。肉一觔。鹽

一兩。

凡班第來朝。崇德三年。定。每日。給肉一觔。鹽一兩。回時。給路費鹽。○順治元年。定。每日。給肉二觔。鹽一兩。回時。給路費。每日。肉一觔。鹽一兩。

凡支給京城喇嘛例。黃廟居住墨爾根綽爾濟。每日。給肉四觔。茶二包。酥油三兩。燈油二兩。喇嘛等。每日。各給肉三觔。茶一包。麩四兩。酥油一兩。燈油一鍾。湯古忒教習師。及班第等。每日。各給肉一觔。茶一兩。麩二兩四錢。十人。共給牛油一觔。燈油七兩。每日。各給鹽一兩。達賴喇嘛禪

院居住垂木品爾格隆。每日支給。與黃廟墨爾根綽爾濟同。餘格隆等。每日支給。與黃廟喇嘛同。班第等。每日支給。與黃廟班第同。烏思尼哈白塔居住丹津格隆。每日支給。與黃廟墨爾根綽爾濟同。餘格隆等。每日支給。與黃廟喇嘛同。班第等。每日支給。與黃廟班第同。席大達廟居住竹喇戚格隆。每日支給。與黃廟喇嘛同。班第等。每日支給。與黃廟班第同。額木齊喇嘛。每日。給肉四觔。茶四包。酥油三兩。燈油二兩。鹽一兩。其家人。各給鹽一兩。四馬哈蘭雜廟居住扎木

蘇蘭木占穆巴喇嘛。噶布楚喇嘛。每日支給。與黃廟墨爾根綽爾濟同。格隆等。每日支給。與黃廟喇嘛同。班第等。每日支給。與黃廟班第同。

盛京法庫居住席勒圖綽爾濟喇嘛。每年支給野雞一百隻。粳米一石。麩一石。梨一千個。杜梨八斗。葡萄八斗。蜂蜜一瓶。魚一百尾。鹽二筐。每年十月。移咨

盛京禮部給送。

凡投誠王。崇德二年。定。每日。給肉三觔。魚一尾。酒一壺。豆腐一觔。清醬三兩。醬三兩。醋三兩。香

油六兩。并鹽。每月。麩四觔。○順治十五年。議准。每日。給鵝一隻。雞三隻。肉十五觔。魚三尾。清醬一觔。木耳五兩。蘑菇一觔。菜十觔。葱五觔。豆腐七觔。醋一觔。麩十觔。香油一觔。燈油八兩。黃蠟二枝。牛乳一錠。每十日。酒十瓶。茶十包。酥油一觔。十四兩。梨二百五十個。棗五觔。乾葡萄五觔。核桃二百個。○康熙五年。議准。每日。給羊一隻。酒一瓶。茶二包。牛乳二錠。酥油四兩。黃蠟一枝。燈油二鍾。鹽八兩。

凡投誠各官。崇德三年。定。總兵官。每日。給肉四

觔。雞二隻。鵝二隻。魚四尾。酒二壺。香油半觔。鹽一觔。清醬一觔。醬二觔。菜四觔。葱四觔。副將。每日支給。與總兵官同。叅將。遊擊。每日。各給肉六觔。清醬一碗。醬一觔。鹽一觔。葱三觔。醃菜。醬瓜。共一觔。燈油一鍾。各樣菜蔬。每月。酒一瓶半。旗鼓都司。每日。各給肉四觔。餘與叅將同。守備。千總。把總。百總。中軍。每日。各給肉二觔。鹽。醬。醬瓜。醃菜。各一觔。每三日。酒各一壺。○順治八年。議准。總兵官。每日。給肉三觔。雞一隻。豆腐一觔。醬二兩。菜一觔。葱八兩。酒一壺。燈油一鍾。副將。每二兩。菜一觔。葱八兩。酒一壺。燈油一鍾。叅將。遊擊。旗鼓都司。每日。各給肉二觔。豆腐一觔。葱八兩。菜一觔。醬二兩。燈油一鍾。每二日。酒一壺。守備。千總。把總。百總。中軍。每日。各給肉一觔。醬二兩。菜八兩。每二日。酒一壺。燈油一鍾。兵丁。從役。各給鹽一兩。

日。給肉三觔。豆腐一觔。菜一觔。葱八兩。醬二兩。酒一壺。燈油一鍾。叅將。遊擊。旗鼓都司。每日。各給肉二觔。豆腐一觔。葱八兩。菜一觔。醬二兩。燈油一鍾。每二日。酒一壺。守備。千總。把總。百總。中軍。每日。各給肉一觔。醬二兩。菜八兩。每二日。酒一壺。燈油一鍾。兵丁。從役。各給鹽一兩。

大清會典卷之一百九

大清會典卷之一百十

禮部精膳司

會估

順治十年題准光祿寺每月用過物品委精膳司滿漢官各一員同該寺官估計仍將用過錢糧數目按月詳開清冊報部○康熙十年禮部分析光祿寺聽本寺移文順天府堂官委宛平大興二縣開報每月物價造冊呈送本寺本寺移文浙江道滿漢御史各一員公同順天府尹禮部精膳司滿漢官一員戶部陝西司滿漢官一員至本寺將買辦

大清會典 卷一百一十
上用及一應筵宴下程等物。會同估定價值。每二季彙算造冊。浙江道具題奏銷。

勘合

初本司有勘合科。彙齊四司開送事件。赴禮科填給勘合。照會各布政司。及直隸府州。遵照辦理。歲底奏繳本部查銷。今俱停止。惟遇日食月食。仍用勘合移行各司。府州。救護。其例開具於後。

順治元年。題准。日食。行浙江等各布政司。都司。用照會。行順天等府。用劄付。行延慶等州。用牌仰。

勘合字號

順天府禮字。順治二年定。

奉天府光字。康熙二年增定。

江南雲字。順治三年定。康熙七年增定。江蘇布政司同。

浙江以字。

湖廣各字。康熙七年增定。湖南布政司同。

山東格字。

福建皆字。

山西致字。康熙二年增定。萬全衛同。

陝西誠字。康熙七年增定。臨鞏布政司同。

廣東及字。

廣西席字。

四川其字。

河南正字。

江西淮字。

雲南若字。

貴州柔字。

正定府騰字。

保定府雨字。康熙二年增定。大寧衛同。

河間府露字。

順德府麗字。

廣平府霜字。

大名府結字。

永平府金字。

延慶州崑字。

保安州岡字。

牛羊館

凡牛羊羣牧。順治初。屬戶部職掌。十一年。移歸禮部。設官二員。拖沙喇哈番品級。今改爲司牲官。筆帖式三員。

於張家口外設兩翼。每翼設經管翼長一名。共置牛羣十八處。羊羣十六處。每羣設經管牧長一名。牧副一名。共牛二千一百五十六隻。羊三千八百八十四隻。均分牧養。三年內。每牛三隻。孳生一隻。每羊三隻。孳生二隻。每三年。均分一次。孳生多者。給賞。孳生少者。罰責。又於

盛京養息牧地方。設牛羣十處。羊羣六處。設司牲

官筆帖式等。一應事宜。隸

盛京禮部。造冊報明本部。代為題奏。○康熙元年。定。養息牧地方。及張家口外牛羊羣。三年均分一次。每牛羣給牛一百隻。均分時。於孳生五十隻外。多牛一隻者。賞銀五錢。缺牛一隻者。責三鞭。每羊羣給羊一百隻。均分時。於孳生一百隻外。多十隻者。賞銀五錢。缺十隻者。責十鞭。其該管翼長。所管牧長全得賞者。賞翼長馬一匹。得賞多者。賞貉裘一領。得賞少者。鞭五十。全不得賞者。鞭八十。革去翼長。○十二年。定。養息牧地

方。及張家口外牛羊羣。三年例應均分。每牛三隻。孳生一隻。多一隻者。賞布一匹。缺一隻者。責二鞭。每羊三隻。孳生二隻。多二隻者。賞布一匹。缺一隻者。責一鞭。賞布不過六十匹。鞭責不過一百。其翼長賞罰。照元年例。○三十一年。題准。養息牧六牧羣。羊隻衆多。應分作十羣。每一羣置羊六百八十八隻。或六百八十九隻不等。○三十三年。定。養息牧地方。分牛羊羣各十羣。○四十二年。覆准。張家口牛羊羣。因各隨廠水居住。不能盡行稽查。將八旗滿洲蒙古員外郎。主事。揀選引

見命往。以原官放總管一員。鑄給總管牛羊羣官字樣關防。中書小京官筆帖式內。每翼各揀選二名。放爲筆帖式帶去。俱著三年更換一次。孳生額外多得者。交與該部酌量議敘。孳生數內缺欠者。仍留任。俟照數補完日。照常更換。○四十九年。覆准。養息牧蘇魯克牧羣。於三十三年均分時。牛羣十。原額牛五百八十九隻。羊羣十。原額羊六千七百二十七隻。今孳生甚多。除歷年各項取用外。現存牛一千一百五十三隻。羊一萬二千三百零八隻。將此孳生牛羊。增設十牛

羣。十羊羣。新舊共四十牧羣。著選蒙古內殷實可用之人。放牧長二十餘員。餘丁二十名。每牛羣撥給牛五十隻。連前十羣共牛一千隻。每羊羣撥給羊五百隻。連前十羣共羊一萬隻。其餘剩牛一百五十三隻。羊二千三百零八隻。俟後次分羣時。一併議奏。○五十二年。題准。牛羣每羣添牛十隻。羊羣仍照舊。○五十四年。覆准。翼長該管各牧羣。所缺羊隻。與所餘羊隻。多少比算。仍於應孳生額內有缺者。不准賞給貉裘。凡備用筵宴。及外藩下程。定例。取犍牛一百五

十隻。羊五百隻。在館餵養。○康熙九年。題准。在內大宴。及部中筵宴。俱不用牛。減去牛一百隻。止存五十隻。在館餵養。以備外藩下程。併喀爾喀投誠種地應用。其筵宴增備用羊四百隻。共九百隻。俱在館餵養。○四十四年。題定。外藩下程筵宴所用羊隻。禮部停其採買。仍取口外羊隻送館餵養應用。○四十六年。題定。禮部應用牛羊。停其餵養。仍照前例。在兩翼採買應用。

凡採買價值。康熙十四年。題准。部內所用牛羊。在張家口外各羣內取用。如應用不足。交與兩

翼收稅官採買。送部時。移咨戶部。給發銀兩。○二十一年。議准。部內所用牛羊。每年春夏二季。牛。每隻定價五兩五錢。羊。每隻定價一兩三錢。秋冬二季。牛。每隻定價五兩。羊。每隻定價一兩一錢。大肥羊。每隻定價一兩八錢。其致祭外藩牛羊。冬春二季。牛。每隻四兩。羊。每隻一兩五錢。夏秋二季。牛。每隻三兩。羊。每隻一兩。○二十二年。題准。兩翼官親身在市。深知時價。嗣後所用牛羊。令兩翼官動支抽稅銀兩。買辦送部。部內選用。買過牛羊數目。移咨戶部。所用錢糧。兩翼

官報戶部開銷。若比時價浮多冒開。兩翼官員從重議處。○二十四年。議准。照光祿寺會估例。浙江道御史。同戶部廣西司。俱赴本部。公同定價。於戶部支給。仍由禮部具題。

康熙二十二年以後。採買照時價開銷。多寡不等。今據雍正五年春夏二季價值開載如左。
牛犢每隻。二兩一錢三分。大羊每隻。一兩三錢。小羊每隻。一兩一錢。

凡馬場。定例。本部所屬。有豐臺場。郭公莊場。北高場。天柱場。四處。各有軍頭夫役。每月親齎花名年貌清冊。赴司查照。併將所管地畝。四至呈造。以防盜賣。葬埋侵占等弊。隨報所種地畝。若

干。又令每班五人入城。至館刈草餵養牛羊。五日一換。各將正身應役明白開寫。按月一報。以杜假冒。逃亡偷竊草料。盜牽牛羊等弊。

凡館場人役工食。定例。看守郭公莊場人役二名。每名給銀一兩。牛羊館看守外場披甲人二名。每名給銀一兩。五旗宰牲披甲聽事人役十名。每名給銀一兩。

凡館場人役。定例。牛羊館內。牧長一名。牧副一名。○康熙三十一年。題准。牧長附丁。交與

盛京禮部。將牧長等子弟內殷實有能者。選補新

分牧羣頭目附丁。嗣後牧羣內牛羊孳生可足一羣者。照例添補牧羣。

凡本館乳牛。定例額設三十隻。以供

陵寢之用。如有無乳不堪用者。本部據守

陵寢官來文抵換。其發來無乳之牛。或留館內喂養。或

發張家口外孳生。

凡張家口外乳牛。定例每隻每年交進乳酒。或

酥油。一瓶。每瓶隨乳餅二百個。俱由本館查收。

本部劄付光祿寺。其春秋二季所剪羊毛。交送

工部。

凡牛羊草料。牛每隻給料六升。草二束。乳牛每隻料四升。草二束。牛犢每隻料一升。草一束。羊每隻料二升。草半束。按日支取。如牛羊用去。按

日扣發。

凡牛羊倒斃。定例皮張交與工部。肉筋給與本部聽事人。內館併外場俱同。其張家口外及養息牧各羣。如遇大雪酷旱瘟疫等災。確報本部題明存查。○康熙三十一年。題准。養息牧牧羣牛羊病斃。照張家口外牧羣例賠補。有癩癩瘟病大雪倒斃。令翼長等報

盛京禮部驗看皮角印記。查明數目。轉報禮部。俟均分時准其銷算。若有印記皮角。免其給放。交與

盛京工部支用。若無應用之處。照時價變賣。○四
十三年。覆准。牛犢倒斃。並長大無乳者。令其變價。將變價銀兩。年底自行奏銷。○雍正二年。覆准。

三陵所用乳牛。著該管官挑選採買。加意餵養。所有無乳更換牛隻。限定月日。如過六個月無乳。照牛犢長大例變價。不及六個月者。不准更換。此內

若乳牛殘傷無乳。牛犢長大無乳。併殘傷倒斃。應行更換變價之處。俱令回明總理事務大學士等。方准變價。不許仍前指稱八兩以下二兩以上之數。朦朧變賣。凡牛犢長大無乳。倒斃無乳。定價每隻六兩變賣。殘傷倒斃乳牛。連牛犢定價每隻四兩。如不加意餵養。以致倒斃殘傷過多。卽將該管官議處。又每逢祭祀。令茶房頭目並茶房人。往圈內。同

陵上禮部官員。共看取乳。敬謹送至茶房。

四司錢糧

凡牲口。藥材。曆日。等項錢糧。順治初。屬戶部職掌。八年。移交禮部管理。康熙三年。仍歸戶部。今存舊額。以備參考。

江南省。三萬三千九百四十四兩七錢一分。

浙江省。七千六百五十兩二錢七分。

山東省。五萬九千七兩六錢九分。

山西省。五千五十二兩二錢五分。

河南省。五萬六千三百三兩二錢六分。

湖廣省。二千三百六兩七錢六分。

江西省七千一百八十六兩八錢二分。

陝西省二千三百六兩七錢二分。

福建省八千七百兩二錢三分。

順天府七千九百四十二兩六錢。

永平府二千七百二十七兩。

保定府二千八百八十五兩七錢五分。

河間府五千四百五十兩七錢。

正定府三千九百七十兩七錢五分。

順德府六千三百九十四兩三錢。

廣平府三千一百三十二兩五錢。

大名府一萬三千二百八十五兩四錢五分。

上林苑監四千四百六十五兩七錢一分。

通共額銀二十三萬二千七百一十三兩四錢七分。其收數及支用細數俱屬精膳司備造清冊。每年兩季於季杪題明完欠收管大數。請之奏報。歲底開銷支用細數。謂之奏銷。

大清會典卷之一百十



大清會典卷之一百十

文庫

